

■ SURSASSIALA

Menadra dalla casa da tgira ha abdicau

(anr/hh) La menadra dalla Casa da tgira Sursassiala a Mustér, Rita Furger, ha visau sia piazza sin la fin da matg 2013. Sco quei ch'ella ha detg enviers l'Agentura da novitads rumantscha hagi la cumissiun da menaschi dalla casa fatg ad ella la proposta dad ir pli baul en pensiu. Quella hagi ella denton buc acceptau e sin fundament da quella hagi ella visau sia piazza. Rita Furger ei dapi igl uost 1995 en survetsch sco menadra dalla casa da tgira. S'abdicaziun vegn ella fasa da construcziun dalla casa nova, respectivamein dil provisorii pils cussadents en Tgasa Sontgaclau a Curaglia ed en claustra a Mustér. Il president dalla cumissiun da menaschi dalla Casa da tgira Sursassiala, Duri Huonder da Segnas, ha buca vuliu commentar l'abdicaziun. La cumissiun vegni a sefatschentiar proximamein da quella.

■ BREIL/DARDIN

Concert primaveraun dalla musica da Breil/Dardin

(anr) Dumengia da Pastgas e gliendisdis Pastgas concertescha la Societad da musica Breil/Dardin mintgamai allas 20.15 ella halla da cultura e sport a Breil. La societad ch'ei sut la direcziun dad Urs Arpagaus e che dumbra il mument 30 musicantas e musicants presenta in concert detg variont. Aschia ein d'udir interpretaziuns per exempel dils tocs «On Wings Of Liberty» da Rob Goorhuis, «Böhmischer Traum» da Norbert Gälle/Siegfried Rundel ni era «Schwyzer Soldaten» da Ernst Lüthold, «Bon Jovi Rock Mix» da W. Wössner/Brian Johnson e «Queen Greatest Hits» da P. Kleine Schaars/John Blanken.

Ulteriuras informaziuns: www.smbd.ch

■ TRIN

Felix Calonder – il cusseglier federal romontsch

(mc) La Cuminonza romontscha da Trin envida vendergis, ils 13 d'avrel 2012 ella aula dalla casa da scola da Trin ad in referat. Il historiograf Adolf Collenberg vegn a referir davart «Felix Calonder – igl empren Retoromontsch el cussegl federal». Per il divertiment musical procura il Chor viril da Trin/Flem sut la bitgetta da Catrina Bonorand.

■ MOMPÉ MEDEL

Bloccada dalla via da Mompé Medel

(anr) Muort sanaziun dils indrez d'electricitad sto il tunnel da Mompé Medel a Mustér vegnir serraus naven da mardis, ils 10 d'avrel entochen venderdis, ils 27 d'avrel 2012 sco era da dumengia, ils 10 da zercladur entochen venderdis, ils 29 da zercladur 2012 mintgamai dallas 20.00 entochen las 06.00. Sco quei che la partiziun dalla tecnica da traffic dalla Polizia cantunala dil Grischun communichescha exista negina pusseviltad da sviamet. Ei exista sulettamein la pusseviltad da carrar atras il tunnel dallas 21.00 entochen las 21.15 e dallas 22.30 entochen las 22.45. Pedunzs e ciclists san passar il tunnel da tut temps.



Gruppa da sault.

Affons sursilvans concerteschan per affons brasilians

A Trun: Stau propi ina biala caussa per in bien intent

■ (anr/gc) Sonda e dumengia vargada ha giu liug a Trun in concert da beneficenza sut il motto: «Affons per affons». L'iniziativa ei vegnida dalla Procura da missiun dallas soras dominicanas a Glion e la realisaziun stada ina prestaziun da nui dalla Scola da musica Surselva. Omisduas concurrenzas han radunau in pievelun e segir era purtau – ensemen cun sponsurs – in importo considerabel en favur d'in grond project cultural dallas soras dominicanas da Glion en Brasilia.

Cordial e reconuschent beinvegni

Buc ual savens succeda ei ch'ins vegn beneventaus tier nus per portughes sco a Trun, tras ina dominicana brasiliana, sora Miriam Ribeiro, responsabla a Glion, sco commembra dil cussegl general, per il ressort dallas missiuns. Veseivel plascher ha ella che la Scola da musica Surselva cun ses scolars e scolaras ein stai promts da realisar quei concert da beneficenza. Ella ei vegnida secundada dil menader dalla procura da missiuns, Pius Süess, ch'ha era dilucidau en quella rama musicala la situaziun precara da biars en

Il recav va ad Itapetininga

Il marcau dad Itapetininga secatta el stadi federal da São Paulo che ha entuorn 150 000 habitonts. Enconuschents ei quei marcau pervia da sias biaras scolas. Mo sco dapertut dat ei era cheu reh e paupers. La paga minimala per meins munta a 311 francs (622 reais), mo ins duvrass quater ga dapli per saver viver andant. Biars affons ston perquei ir a luvrar cun lur geniturs, per part en loghens fetg periclitai e sut trestas circumstanzas. Leu, nua che las soras dominicanas da Glion lavuran, vivan ils pli biars da lavurs occasionalas. Numerus geniturs han negina entrada fixa.

Agl ur dad Itapetininga secatta il quartier dils paupers da Taboãozinho. Leu meinan las soras da Glion il Centro Social Irmã Maria Magdalena (Cesim). Tut las soras engaschadas cheu ein Brasilianas. Lur finamira principala ei da vegnir culs affons naven dalla via. Dapresent dat ei en quei center 200 affons da 7–17 onns ord paupras famiglias. Tras la purschida dallas soras ein affons e giu-

venils schurmegiai da criminalitad carschenta, dil commerci cun drogas e da prostituziun. Mintgadi survegnan ils affons cheu ina tschavera. Els fan part dil project «Plascher d'empren» e vegnan aschia entruidai e susteni da prender sezis il meglier entamaun lur veta.

Suenter la scola survegnan ils affons instrucziun supplementara, sco cuors da PC, empredan diversas tecnicas da lavur e vegnan era preparai tras ductrina sil survetsch divin dil plaid. Ins intenda da dar la megliera scolaziun. Cun il project cultural Guri vulan las soras era animar d'empren da sunar in instrument e cantar en in chor. Da quella purschida profiteschon affons e giuvenils da paupras famiglias e che vivan gia in cert temps en lur center (Cesim). Igl ei perquei stau propi aschi bi e simpatic ch'ils affons dalla Surselva han susteniu cun quei concert aschidadir lur collegas dalla Brasilia, fagend cheutras ina bun'ovra che ha segir era fatg ad els sezis bia plascher.



Ilis iniziants: (avon il placat cun ils sponsurs – da sen.) Pius Süess, menader dalla procura da missiun a Glion, sora Miriam Ribeiro, responsabla per las missiuns e Claudio Simonet, directur dalla Scola da musica Surselva.

Brasilia e la necessitad da saver sustener leuen projects che lain sperarigliur.

Viadi musical ell'America dil sid

Il concert ei vegnius aviarts d'enzacontas giuvnas cantaduras digl Ensemble Krambambuli. Lu fan divesas classes dalla Scola da musica Surselva – sco quei ch'il directur Claudio Simonet declara – in «viadi» cun cant, musica, instruments e saults en Brasilia – igl empren el center (Rio) e lu en in liug pli allontanau, nua che glicud pli paupra viva – per lu turnar anavos en Svizra ed aschia saver pertgei e co gidar.

Igl ei stau ina retscha da bialas scenas ch'ei vegnidas accumpignadas al clavazin dallas scolas Flavia Walder-Hublard e Gabriela Tambornino. Tut era bi en acziun plein veta era dallas gruppas dalla Scola da musica Surselva sco era dils Movis, sco hosps, lezs sut l'egida dad Esther Hendry. Alla fin sepresenta ina gruppa da cantaduras e cantadurs dalla scola da musica, accumpignai dad ina band da quella. Varga duas uras ha la purschida concertanta cuz-

zau. Els han raccoltau gronda admiraziun e biars applaus. Suenter concert ha ei dau in aperto à la brasiliana che tuts han schau gustar.

Brasilia: tiara, pievel e biars paupers

Il menader dalla procura da missiuns, Pius Süess, e la sora responsabla Miriam Ribeiro, han presentau specialme in il project prius en vesta da sustener en Brasilia cun ils miads recaltgai cun quei concert d'affons per affons. Impressiuont – quei ch'ins ha viu e surtut enderschiu.

La Brasilia ei il 5. grond stadi dil mund – e cun 195 milliuns habitonts era la pli gronda tiara catolica. 80 pertschien dalla populaziun vivan els marcaus. 5 milliuns possedan negin terren. Las famiglias dalla tiara serendan cun gronda speranza els marcaus, nua ch'ellas ston denton viver els quartiers dils paupers, ellas favelas. Ina quarta dalla populaziun brasiliana ha meins che 15 onns ed ei dat en quella tiara 55 milliuns affons e giuvenils.



Gruppas dils pigns en acziun.

